



COMMUNITY & ECONOMIC DEVELOPMENT OFFICE

149 CHURCH STREET • ROOM 32 • CITY HALL • BURLINGTON, VT 05401
(802) 865-7144 • (802) 865-7024 (FAX)
www.burlingtonvt.gov/cedo

Su'aalaha Badanka la Iswaydiiyo ee ku Saabsan Xarunta Bulshada Gabbaadka iyo Khayraadka Bulshada ELMWOOD AVENUE, BURLINGTON

1. **Maxaa ka dhacaya [Baarkinka Magaaladu Leedahay ee Elmwood Avenue?](#)** Magaaladu waxay soo jeedinaysaa inay u isticmaasho baarkinka Elmwood Avenue inuu gabbaad kumeel gaar ah u noqdo xaaladaha gurmadika ah dadka bulshadeena ka tirsan ee ku jira xaaladda bilaa guriga ah, gaar ahaan kuwa aan gabbaadka lahayn. Goobtu sidoo kale waxay guri u noqon Xarunta Khayraadka Bulshada (Community Resource Center, CRC). **Waxaad ka heli doontaa macluumaadkii u dambeeyey ee mashruuca halkan:** <https://www.burlingtonvt.gov/CEDO/Ending-Homelessness>. Waxaanu qorshaynay inaanu shaqada goobta ka bilawno bisha Maajo iyo in Bulshada Gabbaadku iyo CRC ay shaqeeyaa Xagaaga.
2. **Waa maxay sababta aaru sidan u samaynaynaa?** Tirada dadka ee aan guriga lahayn ayaa sii wada inay ku dhawaan saddex laab marka la eego intii ay ahaayeen aafada cudurka kahor iyo helitaanka gabbaadka xaaladda gurmadika ah oo ku eeg intii la heli karayey xilligii Jiilaalka 2021. Diisambar 16keedii, 2021, Duqa magaalada Weinberger ayaa soosaaray qorshe hawleed lagu oofinayo ballanqaadka guryeynta xuquuq aadane ahaan. Qorshaha tobanka qodob waxa ku jira hindisayaal badan oo uu ku jiro samaynta gabbaadyo cusub oo shuruudahoogu yar yihiin in laga dhiso Burlington.

Xogururin la qaaday 2021 iyo obole baahsan oo ay samaysay Magaalada Burlington waxa si aad ah loogu taageeray isticmaalka lacagaha soo kabashada si wax looga qabto hoy la'aanta muddada dheer loona hirgaliyo xalal si loogu abuuro xalal guryeyn oo sugaran, xushmad badan oo habboon cid kasta. Qaabka qaybaha gabbaadka (shelter module approach) ayaa caddeeyey inuu waxtar leeyahay marka la eego inuu u shaqeeyo sidii biriish ku gaynaya guryeyn joogto ah magaalooyinka Maraykanka oo dhan waana qalab dhakhsa ah oo is-bixinaya marka la eego inuu gabbaad u noqdo dadka ugu nugul mustaqbalka dhaw. Febraayo 7deedii, 2022, Golaha Magaalada ayaa isku raacay isticmaalka \$2.975 milyan oo ARPA ah si wax looga qabto dhibaatada bilaa guriga ee daran. Qoondaynta maalgalinta waxa ku jiray samaynta Bulsho Gabbaad iyo Xarun Khayraadka Bulshada oo sanadka oo dhan ah. Magaaladu waxay dalbanaysaa lacago dheeraad ah si ay u hawlaliso goobta Xafiiska Fursadaha Dhaqaale ee Gobolka. CRC waxa la siiyay \$365,000 oo dheeraad ah Kharash-Garayn Kongareesku Agaasimay.

3. **Waa maxay nooca horumarinaha la samayn doonaa?** Magaaladu waxay iibsan doontaa oo ay isku gay-gayn 30 ah qaybaha [qaabdhismeedyada gabbaadka](#) kuwaasi mid kasta u taagan yahay xubin bulshada ka tirsan oo kaliya (shan ka mid ah gabbaadyadu waxay qaabili doonaan laba qof, haddii ay jiraan lammaane raba inay isku gabbaad galaan). Ilaa 35 marti ah, wadar ahaan. Goobta sidoo kale waxa ku jiri doona qaabdhismeed hore loo sii diyaariyey oo la qaadan karo kaasi oo yeelan doona lix (6) suuli/saxan/qubays oo ku xiriirsan biyaha iyo adeegyada nidaamka bullaacdaha dadwaynaha ee goobta. Goobtu waxay yeelan doontaa iftiin iyo koronto habboon oo la siinayo mid kasta oo ka mid ah 30 gabbaad. WIFI ayaa goobta oo dhan laga heli doonaa. Wuxuu jiri doona meelo loogu talogalay weelka qashinka, meelo baaskiiladaha iyo miisaska fadhiga wata la dhigo. Magaaladu sidoo kale waxay soo iibin doontaa qaabdhismeedyada diyaarsan ee kolba meel lagu dhisi karo si ay goobtan ugu noqdaan Xarunta Khayraadka Bulshada. CRC-ga waxay ku jiri doona xamaamyo dheeraad ah, jiko, xafiisyo iyo meel furan si ay ugu adeegto Bulshada Gabbaadka iyo dad kale ee u baahan inay helaan gabbaad maalintii ah oo shuruudihiisu yar yihiin, cunto, bun (kafee), iyo alaabta nadaafadda. Sidoo kale waxa jiri doona fursad ay ugu xirmaan khayraadka guryeynta, khayraadka caafimaadka, sida kabashada iyo caafimaadka dhimirka, iyo adeegyada bulshada ee kale. Mashruucu waxa waajib ah inuu buuxiyo xeerarka dhismaha iyo badbaadada. Waxa loo baahan doonaa helitaanka ruqsadda aagga iyo ansixinta kormeerayaasha dhismayaasha Magaalada.
4. **Waa maxay sababta goobtan loo doortay iyo faa'idooyinkan goobtani?** Kadib markii la qiimeeyey tobantaa goobood kale, dhulka Baarinka Elmwood Avenue Parking ayaa loo aqoonsaday inuu yahay meesha Magaaladu leedahay ee sida ugu fiican u dabooli doona baahiyaha mashruuca maadaama ay u dhawdahay gaadiidka, adeegyada iyo waxyaabaha kale ee nolosha iyo in si fududna loogu xiriirin karo korontada magaalada, biyaha iyo bullaacadda. Magaaladu waxay soo jeedinaysaa inay dhulka baarkinka isticmaasho ilaa 36 bilood si uu u noqdo gabbaadkan xaaladda gurmadka, iyadoo sababta meel la iskugu geeyey CRC iyo Tuulada Gabbaadka ay tahay gaarsiinta iyo helitaanka adeegyada oo fudud. Adeegyo badan oo kale oo bulshada waajahaysa guri la'aantu u baahan tahay inay helaan waxay ku yaalaan suuqa hoose. Xarunteena gaadiidka dadwaynuhu waa suuqa hoose. Tani waa goob muhiim ah, magaaladu leedahay, la gaari karo, una dhaw adeegyada iyo kaabayaasha.
5. **Waa maxay nooca gabbaadka meesha laga hawlgalin doonaa, sidee ayaana goobta loo maamuli?** Tani waxa la qorsheeyey inay noqoto xarun la mamulo iyo gabbaad xaaladda gurmadka ah oo shuruudihiisu yar yihiin. Goobta waxa maamuli doonaa urur iskaashi ka dhixeyyo oo hawlgalineed. Goobta waxa loo hawlgalin doonaa si waafaqsan tilmaamaha gobolka ee Gabbaadka Xaaladda Gurmadka. Ururrada iskaashigu ka dhixeyyo ee kale ayaa sidoo kale siin doona martida adeegyada aadanaha iyo bulshada. Qeexitaanka [Shuruudo Yar](#) waa kala duwan yihiin laakiin aasaas ahaan waa in shuruudaha galitaanku ay kooban yihiin ama yar yihiin. Diiradda Saaraya [Yaraynta Waxyeelada](#), gabbaadka shuruudihiisu yar yihiin wuxuu ku dhiirigaliyaa kaqaybqaatayaasha inay u dhawaadaan adeegyada oo ayna raadiyaan khayraad iyadoo meesha laga saarayo caqabadaha hor taagan helitaanka. Tani kama dhigna inayna habdhaqanadu xuduud lahayn. Wuxuu jirta filashooyin ah in xubnaha bulshadayadu ay raacaan sharciga una dhaqmaan qaab aan waxyelo lahayn oo xushmad badan. Falalka sharci darrada ah waa la mamnuuci, sidoo kalena hubka. Hawlgallada goobta waxa ku jiri doona heerar iyo filashooyin qoran oo martida si cad loola wadaagi doona ayna waliba si fudud u heli karaan martidu, dhammaan shaqaalahi iyo isdirayaashuna waa inay yihiin qaar waayo-aragnimo leh oo ayna tabobar ku qaateen daryeelka xogogaalka jugta. CRC waxay sii ahaan mid uu ka hawlgalo Xafiiska Champlain Valley ee Fursadaha Dhaqaalahi.
6. **Sidee ayey Magaaladu uga qaybgalinaysaa dadka waayo-aragnimo toos ah u leh hooy la'aanta mashaariicdan?** Mashaariicdan waxa la soosaaray iyadoo la kaashanayo macluumaad iyo

jawaabcelin laga helay shakhsiyaad waayo-aragnimo toos ah u leh, shaqaalaha gargaarka, iyo ururrada iskaashiga la leh. Gargaaristan iyo la-talintan waa sii socotaa. Marka aanu ka duulno jawaabcelinta waxaanu ognahay inay jirto baahi ku aaddan noocy baddiil ah gabbaadka xaaladda gurmadka. Dadka qaar waxay ka cabbanayaan inayna ku yeelan karin ceel huteelada, qaar kale waxay dhib ku qabaan inay gabbaad u helaan rabbaayaddooda. Kuwani waa qaar tusaalayaasha aragtida bulshada ah.

7. **Ayaa degganaan doona goobta?** Iyadoo la raacayo tilmaamaha gabbaadka xaaladda gurmadka ee gobolka oo dhan, mudnaantu waxay noqon karta sida soo socota: Dadka bilaa gabbaadka ah, ee bilaa hooyga ah ee jooga arbeeko aanay iyagu lacagta iska bixin, oo ay ku jiraan kuwa ka soo baxsada xadgudub guri ama galmo, joogitaanka meel aan albeerko ahayn, hadda bilaa hooy ah. Diiwaangalinta waxa lagala shaqayn gabbaadyada kale iyo bixiyayaasha adeegga iyo 211, si carrabka loogu adkeeyo fududaanta helitaanka marka la eego dadka raadinaya gabbaadka xaaladda gurmadka.
8. **Waa maxay sababta Magaaladu ayna dadka u dejin karin abaarmanno ama gabbaadyo kale?** Waxaanu waajahaynaa guryeynta yar oo raqiiska ah oo gabaabsi ah Degmada Chittenden. Nidaamka gabbaadka Burlington wuxuu u adeegaa dad fara badan marka la eego bulshadeena waajahaysa hooy la'aanta, laakiin cid kasta ma anfaco. Tusaale ahaan, gabbaadyadu awood uma laha inay qaabilan lammaanaha bilaa carruurta ah. Sidoo kale si fiican uma anfacaan dadka ay ku adag tahay inay dad fara badan la joogaan, kuwaasi oo qaar badan oo ka mid ah ay leeyihii xaalad hore oo jahwareer iyo/ama laga yaabo inay dhib ku sugan yihiin. Intaa waxa dheer, sariiraha gabbaadyada xaaladda gurmadka ah waa buuxaan. Gabbaadyada Xaaladda Gurmadka ee la ballaariyey ee Gobolku ku bixiyet huteelada sida badan waa buuxaan sariiruhu Degmada Chittenden. Bulshada gabbaadka, sida xarumaha gabbaadka xaaladda gurmadka ee kale, waxa loogu talogalay siinta meelo badbaado leh, muddo gaaban ah dadka si ay u joogaan ilaa ay guryeyn ka helayaan.
9. **Waxa jira dhibaatooyin badan oo laga soo sheegay gabbaadyada dadka bilaa hooyga ah ee Sears Lane. Miyeyna tani ahayn u kaxaynta dhibaatooyinkan goob cusub?** Goobta Elmwood waxa loogu talogalay in lagaga fogaato qaar badan oo ah dhibaatooyinka lagala kulmay Sears Lane. Tusaale ahaan, waxa jira doona xad tirada dadka isticmaali doonta goobta. Goobta Elmwood Ave waxa laga heli doonaa xaalado ka badbaado badan kana habboon kuwa Sears Lane, kuwaasi oon ku qalabaysnayn koronto badbaado leh, biyo iyo bullaacad. Goobta Elmwood Ave waxay yeelan doontaa xamaamyo iyo meelo lagu qubaysto iyo waliba koronto. Dadku waxay ku jiri doonaan dhismayaal la kululeeyey, aan ahayn teendhooyin, waxaana goobta ku sugnaan doona shaqaale qaabilan maamulka hantida, maaraynta kiiska iyo adeegyada bulsho ee muhiimka ah.
10. **Waa maxay noocyada adeegyada ee la bixin doonaa?** Ururka Hawsha wadaa wuxuu yeelan doonaa shaqaale diyaar ah oo kaalmo bixin kara, ama ku xiri kara xubnaha bulshada kharyaadka la xiriira guryeynta, caafimaadka (sida caafimaadka dhimirka iyo isticmaalka maandooriyaha), iyo sidoo kale daboolidda baahiyaha maalinlaha ah. Shaqaaluhu sidoo kale waxay ka masuul noqon doonaan maamulidda iyo joogtaynta hantida iyo soo dhawaynta martida marka ay imanayaan iyo markay baxayaan. Goobtu waxay noqon mid shaqaale joogo 24 saacadood maalintii. Xarunta Khayraadka Bulshadu waxay bixisaa goob badbaado leh, diirran ama qabow, cunto kulul, agabka daruuriga ah, helitaanka koronto, kombiyutarro, talo ku saabsan gabbaadka, iyo guryeynta iyo waxyaalo kale.
11. **Maxaan samayn karaa si aan gacan uga gaysto?** Waxaanu rajaynaynaa inaan kula shaqayno, dhammaanteenba door ayaynu ku leenahay ka taageeridda xubnaha bulshada inay guryeyn helaan. Waxaanu rajaynaynaa inaanu isku hallayn karno in bulshadan deeqsiga ah ay ku bixiyaan wakhtigooda iyo aragtiyahooga taageeridda dadaalkan wayn ee bulshada. Mashruuca waxa lagu taageeri doona koox bulsho si hoos loogu dhigo shuruudaha, cabsida iyo khilaafka, loogana dhigo jawaabaheena qaar habboon, bulsho ahaan. Mooddadan kulanka bulshada wuxuu si guul leh

uga hawlgalaa goobo gabbaad oo kale waddanka oo dhan wuxuuna isku keenaa daneeyayaasha; martida goobta, shaqaalaha iyo isdirayaasha, xubnaha bulshada, jaararka, kooxaha diimaha, ololeeyayaasha, samofalayaasha, ganacsiyada deegaanka, dawladda hoose iwm. Marka aynu kulano kana xaajoono su'aalaha ama arrimaha goobta ka jira oo aqoonsanno fursado aynu ku wada shaqayn karno, waxa dhici karta inaynu dhisno isku-xirni si aynu gacan uga gaysanno yaraynta xaalaha kacsan, shakiga iyo khilaafka, kana wada shaqayno fursadaha iyo horumarinta.

Iyadoo furitaanka goobtu soo fool leedahay, Magaalada iyo adeeg bixiyayaashu waxay awoodi doonaa inay wadaagaan wax badan oo ku saabsan baahiyaha iyo dalabaadka. Deeqaha cuntada iyo shayada kale ayaa dhici kartaa in la cogsado laakiin guud ahaan waa kuwa ugu waxtarka badan, inay khasaraana yar yihiin, haddii si fiican looga hawlgalo.